

竹書紀年集證

竹書紀年集證卷七

江都陳逢衡學

帝禹

帝禹夏后氏

原註母曰脩已出行見流星貫昴夢接意感

尙書帝命驗白

帝以星感脩紀山行見流星貫昴感生姒戎文命○孝經鈎命訣命星貫昴脩紀夢接生禹既而

吞神珠脩已背剖而生禹於石紐

遁甲開山圖古有大禹女媧十九代

孫壽三百六十歲入九嶷山飛去後三千六百歲堯理天下洪水既甚人民墊溺大禹念之乃化生於石紐山泉女狄暮汲水得石子如珠愛而吞之有娠十月生子及長能知泉源代父鯀理洪水堯帝知其

功如古大禹知水源乃賜號禹○水經沫水出廣柔  
徼外注縣有石紐鄉禹所生也○吳越春秋鯀娶於  
有莘氏之女名曰女嬉年壯未孕嬉於砥山得薏苡  
而吞之意若爲人所感因而妊孕剖脅而產高密家  
于西羌地曰石紐石紐在蜀西川也○統箋按續博  
物志曰薏苡一名薛珠禮緯曰禹母修已吞薏苡而  
生禹因姓姁氏揚雄蜀本紀曰禹本紀曰禹本汶山  
郡廣柔縣人也生于石紐道甲開山圖榮氏解曰女  
狄暮汲石紐山下泉水中得月精如雞子愛而吞之  
不覺遂有娠十四月生夏禹括地志石紐山在茂州  
汶川縣西七十二里○衡案路史注引孟子云禹生  
石紐見孟子外篇外史琴論禹產于石英世紀作石  
均維書作石夷隨巢  
子謂禹生于崑崙  
**虎鼻大口兩耳參鏤**禮含文嘉  
是謂大通興利除害疏河決江○衡按乾鑿度姁表  
耳參漏注云姁初父在巽巽風風有聲而無形也九  
竅之分目視形耳聽聲八卦屬坎坎爲水水爲  
孔穴象消卦其道五事曰聽耳而三漏聽之至  
**首戴**

鈎鈴

星傳鈎九星鈴一星

胸有玉斗

金樓子禹胸有黑子如玉斗焉

手長至膝脛無毛左手中十七黑子○羅苹曰鄭注

經書靈準聽云有人出石夷戴成鈴懷玉斗注姚氏

云禹胸有墨如北斗鄭謂懷璇璣玉足文履已尚書

衡之道戴鈴謂有骨表如鈎鈴星也

期有人人口兩耳參漏足文履已首戴鈎鈴故名文

胸懷玉斗分別九州隨山濬川任土作貢

命大戴禮鯀娶於有莘氏謂之女志產文命○夏本

紀夏禹名曰文命○高誘當染註禹顓頊六世孫

鯀之子也名文命○世紀伯禹夏后氏姁姓也父鯀

妻修已見流星貫昴夢接意感又吞神珠薏苡胸折

而生禹於石均虎鼻大口兩耳參漏首戴鈎鈴胸有

玉斗足文履已故名文命字高密身長九尺二寸長

於西羌西夷人也○衡案王符五德云少長有聖德

昊其後白帝兒流星意感生白帝文命

長九尺九寸

尚書帝命駿禹身長九尺有只虎鼻河目斷齒鳥喙耳三扁戴成鈴囊玉斗玉

舒履已○積博物志禹長九尺九寸

夢自洗於河取水飲之又有白狐

九尾之瑞

吳越春秋禹三十未娶行到塗山恐時之暮失其制度乃辭云吾娶也必有應矣乃

有白狐九尾造於禹禹曰白者吾之服也其九尾者王之證也塗山之歌曰綏綏白狐九尾攏攏我家嘉夷來賓爲王成家成室我造彼昌天人之際於茲則行明矣哉禹因娶塗山謂之女嬀當堯之

世舜舉之禹觀於河有長人白面魚身出曰吾河精

也呼禹曰文命治水言訖授禹河圖言治水之事乃

退入於淵

尚書中候禹理洪水觀于河見白面長人魚身出曰吾河精也授禹河圖而還于淵

○統箋案一統志岷山在岷州衛城北山黑無樹木洮水經其下相傳夏禹見長人受黑玉書於此○衡案拾遺記禹盡力溝洫龍曳尾於前元龜負青泥于後元龜河精之使者也又云堯命夏鯀治水九載無

積鯀自沈於羽淵化為元魚時揚鬚振鱗橫修波之上見者謂為河精然則河精即鯀蓋閔其功之不成故以治水之法授禹耳禹治水既畢天錫元珪以告成功夏道

將興草木暢茂漢郊祀志夏得青龍止於郊春秋孔

命之候元龍御雲○括地圖夏德盛二龍降之帝使范氏御之以行祝融之神降於崇

山國語夏之興也祖融降于崇山注祖融祝融也乃受舜禪即天子之位衡案

符子云舜禪夏禹於洞庭之野事與舜葬蒼梧禹入九疑同一妄偽洛出龜書是為洪

範洪範天乃錫禹洪範九疇○孔傳神龜負文而出列于背有數至于九禹遂因而第之以成九類○

一統志龜巢在河南府永寧縣西洛水北岸元扈水濱乃夏禹治水洛書呈瑞處○鄭環曰按沈註序洛

出書在即三年喪畢都于陽城統箋案世本曰禹都陽城徐堅曰夏禹在

位後誤

陽城蓋避舜子商均非都也○鄭環曰按避商均于此不得避而卽位故曰都陽城南軒綱鑑前編禹踐天子位子韓是也陽城本韓地注以韓爲安邑誤○趙紹祖曰案漢書地理志潁川陽翟下臣瓚曰世本禹都陽城汲郡古文亦云居之後漢書郡國志亦云汲冢書禹都陽城則此二語當是紀年本文而誤繫於注下耳○衡案洪頤煊云竹書帝禹元年居陽城今本反改作居冀又金鶚云汲郡古文帝禹元年書帝卽位居冀此文有脫誤當云帝卽位居陽城至遷都晉陽乃居冀也此兩說皆未知竹書帝禹夏后氏下有三年喪畢都于陽城二語是以紛紛錯誤如此說又見補遺

史記夏本紀禹之父曰鯀鯀之父曰帝顓頊顓頊之父曰昌意昌意之父曰黃帝禹者黃帝之元孫而帝顓頊之孫也禹之曾大父昌意及父鯀皆不得在帝

位爲人臣

路史帝禹

齊傳作璽

夏后氏姁姓名禹一曰伯禹是爲文

命初縣納有莘氏曰志

傳作有妻女姁故記多作女嬀失之

是爲修己

一作紀

年壯不字獲若石於石紐服媚之而遂孕歲有

二月以六月六日屠黿而生禹於轆道之石紐鄉所

謂劉兒坪者

蜀本記作荆兒畔

長於西羌西夷之人也

元年壬子

前編夏后氏大禹丙子元歲

統箋案舜在位五十年元己未崩戊申而已酉庚戌



辛亥三年喪畢故禹元年爲壬子

帝卽位居冀

史記夏本紀帝舜薦禹於天爲嗣十七年而帝舜崩  
三年喪畢禹辭辟舜之子商均於陽城天下諸侯皆  
去商均而朝禹於是遂卽天子位南面朝天下國號  
曰夏后姓姒也

路史夏后氏紀禹卽真王以金成都陽城

瓚云世本禹都陽城

在大梁之南今陳留後儀故寰宇記登封古郛城引地理志潁川陽城爲禹都非也乃澤之陽城堯舜皆都河東北不居河南故說者又謂禹避商均于此皆非夫堯不聽舜讓受終二十八載舜不聽禹辭受命

已十七年歷數已決豈復方爲區

太原

卽晉陽世紀云禹自安邑

區匹夫之遜避哉此孟氏之附

徙晉陽漢志自平陽遷安邑後徙晉陽通典并州太

原禹所都注云禹都或爲今太原或爲今平陽或爲

河東安邑或云今

安邑

世紀云或居安邑今陝之夏縣魏太和元析安邑置以禹

都名北十五有夏宮

夏故城夏禹臺十道志云縣有

夏禹宮夏靜與洛下書云安邑禹舊宮有石殿陰戶

丹庭紫房俗名驪姬故房臺在縣西北十五三州

志云塗山氏思本國築以望之基猶在夏城南安邑

塗山臺俗謂青臺上有禹祠縣東南五十五中條山

有望川夏后避夏離宮之地形志河北有北安邑

縣漢晉屬河東又有南安邑注太和十一置元和志

今安邑地太和十一別置十八年爲夏縣寰宇記置

脫  
誤  
追  
縣  
父  
禘  
黃  
帝  
而  
封  
丹  
朱  
唐  
商  
均  
之  
子  
於  
虞  
作  
賓

王家

統箋按郡縣志安邑故城在陝州夏縣東北十五里  
禹所都也世紀曰堯都平陽舜都蒲坂禹都安邑相  
去不盈二百里皆在冀州故竹書總曰居冀

頌夏時于邦國

衡案夏本紀孔子正夏時學者多傳夏小  
正云黃叔琳曰竹書紀年夏后氏帝禹元

年正月頌小正卽是書顧問曰案竹書紀  
年作頌夏時於邦國小正或夏時一端也

夏小正正月啟蟄鴈北鄉雉震响魚陟負冰農緯厥  
耒初歲祭耒始用暘園有見韭時有倭風寒日滌凍  
塗田鼠出農率均田獺祭魚鷹則爲鳩農及雪澤初  
服于公田采芸鞠則見初昏參中斗柄縣在下柳稊

梅杏桃李則華媿滿

前編媿作蕤

雞桴粥二月住糲黍禪

初俊羔助厥母粥糴多女士丁亥萬用入學祭鮪榮

堇采繁昆小蟲抵蜮來降燕乃睇剝鰾有鳴倉庚榮

芸時有見稊始收三月參則伏主夫出火

此句舊本錯簡在九

月攝桑麥楊犂羊穀則鳴

前編蟹作蟹音解

頒冰采識妾子

始蠶執養宮事祈麥實越有小旱田鼠化爲鴛拂桐

芭鳴鳩四月昴則見初昏南門正鳴札圓有見杏鳴

蛾王負莠取荼莠幽越有大旱執陟攻駒五月參則

見浮游有殷鳩則鳴時有養日乃瓜良蜩鳴墜之興

五日翕望乃伏啟灌藍蓼鳩爲鷹唐蜩鳴初昏大火  
中煮梅蓄蘭菽靡頒馬將閑諸則六月初昏斗柄正  
在上煮桃鷹始摯七月秀雀葦狸子肇肆湟潦生苹  
爽死并秀漢案戶寒蟬鳴初昏織女正東鄉時有霖  
雨灌茶斗柄縣在下則旦八月剝瓜元校剝棗栗零  
丹鳥羞白鳥辰則伏鹿人從駕爲鼠參中則旦九月  
內火遘鴻鴈陟元鳥蟄熊羆貉鼯鼯則穴榮鞠樹  
麥王始裘辰繫于日雀入于海爲蛤十月豺祭獸初  
昏南門見黑鳥浴時有養夜雉入于淮爲蜃織女正

北向則旦十有一月王狩陳筋革嗇人不從隕麋角  
十有二月鳴鳶黜駒責納卵蓀虞人入梁隕麋角雞  
始乳

句見乾鑿度鄭氏注舊本闕

路史夏后氏紀革正朔莫服色以日至六十日爲正  
色尚黑命伯封叔及昭明作衍歷歲紀甲寅人事是  
重故建首寅而後冬夏正

統箋案夏小正序曰孔子得夏時于杞而鄭注月令  
文辭大抵嚴約不類秦漢以來信其爲有夏氏之遺  
書其間星昏旦伏見中正當鄉若寒暑日風冰雪雨

早之節草木稊秀之候羽毛鱗鱗蠕動之屬蟄興粥  
伏鄉遭降陟離隕鳴响之應罔不具紀而王政民事  
繫焉蓋夏之月令也唐志大衍厯議曰夏小正雖頗  
疎簡失傳乃羲和遺跡何承天循大戴之說復用夏  
時更以正月甲子夜半合朔雨水爲上元進乖夏厯  
退非周正故近代推月令小正者多不與古合開元  
厯推夏時立春日在營室之末昏東井二度中古厯  
以參右肩爲距方當南正故小正曰正月初昏斗杓  
縣在下魁枕參首所以著參中也季春在昴十一度

半去參距星十八度故曰三月參則伏立夏日在井  
四度昏角中南門右星入角距西五度其左星入角  
距東六度故曰四月初昏南門正昴則見五月節日  
在輿鬼一度半參去日道最遠以渾儀度之參體始  
見其肩膀猶在濁中房星正中故曰五月參則見初  
昏大火中八月參中則曙失傳也辰伏則參見非中  
也十月初昏南門見亦失傳也定星方中則南門伏  
非昏見也仁山金氏曰八月參中則旦當作參見爾  
岐張氏曰金氏之說本大衍議曰八月參中則曙失



傳也辰伏則參見非中也故曰當作參見不知八月  
辰伏自以昏時伏參中自以平旦中何得以昏時之  
伏而例平旦之參謂其始見乎

衡案大禹時邦國見于山海經者凡一百十七國其  
得姓者二十一日幾姓曰姚姓曰銷姓曰盼姓曰釐  
姓曰姜姓曰依姓曰任姓曰勾姓曰於姓曰阿姓曰  
盼姓曰桑姓曰鮑姓曰姬姓曰烈姓曰威姓釐姓二  
姜姓二任姓三則禹貢所謂錫土姓者是也

二年咎陶薨

史記夏本紀帝禹立而舉皐陶薦之且授政焉而皐  
陶卒封皐陶之後於英六或在許而后舉益任之政  
水經泚水注潁水又西北逕六安縣故城西縣故咎  
陶國也夏禹封其少子奉其祀今縣都陂中有大冢  
民傳曰公琴者卽皐陶冢也楚人謂冢爲琴矣  
統箋按琴乃岑之譌耳

路史小昊氏紀初帝裔子取高陽氏之女曰脩生大  
業大業取少典氏女曰華生繇繇生馬喙忠信疏通  
切而敏事漁於雷澤虞帝求旃以爲士師繇一振褐

而不仁者遠乃立狹獄造科律聽獄執中而天下亡  
寃封之於臯是曰臯陶虞禪禹禹巽之臯辭焉卒崩  
於臯所謂公琴者臯克天德自作元命配享在下雜  
行書臯陶壬辰日死不可劾罪人  
成罪天寶二載尊爲德明皇帝

五年巡狩會諸侯於塗山

原註南巡狩濟江中流有二黃龍負舟

吳越春秋禹  
南渡江黃龍

負舟○抱朴子禹  
乘二龍郭支爲御

舟人皆懼禹笑曰吾受命於天屈

力以養人生性也死命也奚憂龍哉龍於是曳尾而

逝

呂氏春秋禹省方濟乎江黃龍負舟舟中之人五  
色無主禹仰視天而嘆曰吾受命于天竭力以養

人生性也死命也余何憂於龍焉龍俛首低尾而逝  
○淮南子禹南省方濟於江黃龍負舟舟中之人五  
色無主禹乃熙笑而稱曰我受命於天竭力而勞萬  
民生寄也死歸也何足以滑和視龍猶蠅蜺顏色不  
變龍乃弭耳掉尾而逃禹之視物亦細矣○獨異志  
禹治水渡游江風濤甚有二花蛇龍負舟而過左右  
恐懼惟禹安然無畏○統箋按水經注江水又右楊  
岐北山山東有城故華容縣尉舊治也大江又東左  
合于夏口又東左得侯臺水口又右得龍穴水口江  
浦右連也北對虎洲又洲北有龍巢地名也昔禹南  
濟江黃龍夾舟禹笑曰吾受命  
於天何憂龍哉故水地取名矣

統箋按王制曰天子五年一巡狩五年者虞夏之制  
也哀七年傳諸侯大夫對孟孫曰禹合諸侯于塗山  
執玉帛者萬國杜氏曰諸侯執玉附庸執帛塗山在

壽春東北地理通釋曰在壽春東北濠州鍾離縣西  
九十五里山前有禹會村尙書禹娶于塗山辛壬癸  
甲天問禹之力獻功降省下土方焉得彼塗山女而  
通之于台桑卽此塗山也一統志塗山在懷遠縣東  
南八里又皇侃注孝經曰春秋稱禹會諸侯于塗山  
執玉帛者萬國言禹要服之內地方七千里而置九  
州九州之中有方百里七十里五十里之國計有萬  
國也

衡案郡國志塗山禹會萬國之所有石船長一丈云

禹所乘者二儀實錄禹集諸侯于塗山之夕忽大風  
雷震雲中有甲馬及卒一千餘人至禹所云海神來  
朝二說荒誕不足信晴川引以爲證妄矣淮南子原  
道訓云昔者夏鯀作三仞之城諸侯背之海外有狡  
心禹知天下之叛也乃壞城平池散財物焚甲兵施  
之以德海外賓服四夷納職合諸侯於塗山執玉帛  
者萬國此語亦屬附會夫禹會塗山與鯀何涉鯀未  
嘗立爲天子何云諸侯背叛卽或鯀有築城之事必  
在被黜之前今考黜鯀在帝堯六十九年至禹立之

五年始會塗山統計前後其相去八十餘年烏得云  
禹因此而合諸侯哉又案夏世侯伯見於路史國名  
紀者凡五十七國又載太昊後風姓國十九黃帝後  
姜姓國七十三姬姓國二十七黃帝之宗四十四帝  
鴻釐姓國十二少昊青陽氏後五少昊後國十一少  
昊後偃姓國二十二嬴姓國三十九李嬴紀姓國二十九  
高陽氏後一百三十二高辛氏後五十二陶唐氏後  
二十有虞氏後三十七此外又載三皇之世侯國五  
十一五帝之時侯國四十六共六百一十九合之夏

代侯伯約計六百十七六國衡意在大禹時若中容善

卷朱虎及戕義鈞伯益諸國固自無恙其餘如太昊  
少昊黃帝高辛高陽之後世遠年湮支分派別焉得  
世世子孫長有其地又其中並有待封于殷商者此  
時尙未立國號然則塗山之會其來同者當亦約畧  
可稽矣而後世乃侈言萬國何歟

八年春會諸侯於會稽殺防風氏

衡案河圖玉板云禹平天下會諸侯會稽之塗

防風氏後到殺之夏德之盛二龍降庭禹使范成光  
御之行域外既周而還至南海經防風防風之神二  
臣以塗山之戮見禹便怒而射之迅雷風雨二龍昇  
去二臣恐以刃自貫其心而死禹哀之乃拔其刃療



以不死之草是名穿胸民其說怪甚案穿胸卽貫胸  
已於黃帝五十九年來賓此云防風之二臣是名穿  
胸妄

國語吳伐越墮會稽獲骨節專車吳子使來好聘且  
問之仲尼賓發幣於大夫及仲尼仲尼爵之旣徹俎  
而宴客執骨而問曰敢問骨孰爲大仲尼曰昔禹致  
羣神於會稽之山防風氏後至禹戮之其骨節專車  
此爲大矣客曰敢問誰守爲神仲尼曰山川之靈足  
以紀綱天下者其守爲神社稷之守者爲公侯皆屬  
於王者客曰防風氏何守也仲尼曰汪芒氏之君也

守封隅之山者也爲漆姓在虞夏商爲汪芒氏於周爲長狄今爲大人

吳越春秋三載考功五年政定周行天下歸還大越登茅山以朝四方羣臣一示中國諸侯防風後至斬以示衆示天下悉屬禹也

述異記吳越間有防風廟土木作其形龍首牛耳連眉一目昔禹會塗山執玉帛者萬國防風後至禹誅之其骨節專車今南中民有姓防風氏卽其後也皆長大越俗祭防風神奏防風古樂截竹長三尺吹之

如嗥三人被髮而舞

路史帝鴻紀白民銷姓降居于夷是爲白民之祖其別爲防風氏守封禺之間。夏后紀宅立一十有五歲乃大計治道外美州靡息慎之功內演龍德以當天心。摠元要集天書以藏南浮之洞遂致羣神於鍾山以觀其用執玉帛且萬數防風氏後至戮之以徇於諸侯。○國名紀防風釐姓守封禺之間二山在今湖之武康

吳興記云吳興西有風諸山一曰風山有風公廟古防風國也汪芒卽汪

罔說苑云汪芒釐姓說文云封嶠山在吳楚間汪芒

之國歷代故以爲防風也

通雅僉山有四古會稽並轄淮南塗山實在壽春非  
山陰也淮水過當塗縣非今太平之當塗也塗山在  
壽春東北濠州鍾離縣西九十五里禹會諸侯周穆  
亦會智又按晉常璩巴志言禹娶塗山今江州塗山  
是也江州縣郡治塗山有禹王廟及塗后祠北水有  
銘曰張太守於此仙去有粉水世謂江州墮林粉也  
水經注引哀七年禹會諸侯於塗山杜預曰塗山在  
壽春東北史記索隱又以塗山在今九江余按國語

仲尼曰禹致羣臣於會稽防風後至殺之其骨專車  
劉向王肅竝有此說則酈君似以塗山在會稽王伯  
厚確以爲在壽春或者禹所至山別有會稽之名乎  
地理志當塗侯國也淮水過之禹娶塗山卽其地呂  
覽曰江淮以辛壬癸甲爲媒娶日此足證也太平之  
當塗乃僑太名耳杜預所謂塗山在壽春縣東說者  
云今濠州是也吳越春秋亦以會稽有塗山又兼載  
塗山之歌應劭云塗山在永興北或云蕭山縣是已  
疑矣蘇鄂演義云塗山有四一會稽二渝州三濠州

四當塗皆有禹跡蓋附會耳章木清謂柳子厚塗山  
銘蘇子由塗山詩指在濠州皆非是此疑未決耳王  
楙引翠微考異以宣之當塗正禹之娶所楙猶無識  
矣當是古之會稽所轄者大如戰國之楚則徐州南  
京皆是也句踐滅吳則吳地皆越故通稱會稽漢分  
爲吳郡會稽郡又合言吳會或曰濠州之塗山甚小  
豈能容諸侯不知古言其會地豈直在山上耶

統箋案世說會稽有防風鬼屢見城邑常跂雷門上  
脚垂至地晉橫陽令賀韜義鼓琴防風聞琴聲在賀

中庭舞

衡案塗山之說不一方以智定爲壽春之塗山從杜預左傳註及王伯厚說也今考紀年禹五年會諸侯于塗山八年會諸侯于會稽是塗山一地會稽又一地前後兩會不得混合爲一蓋塗山在壽春爲禹五年會諸侯之地而會稽在山陰爲禹八年會諸侯之地不得謂塗山有會稽之名亦不得謂會稽有塗山之名也案塗山爲女嬀氏本國書所謂娶於塗山是也會稽則一名茅山見吳越春秋一名防山一名棟

山見水經注越絕云棟猶鎮也卽周禮職方所謂揚  
州之鎮也一謂之鍾山又名苗山見羅莘路史註俱  
不被以塗山之稱故郭璞於南山經會稽之山註云  
今在會稽郡山陰縣南上有禹冢及井又圖贊云禹  
徂會稽爰朝羣臣不虔是討乃戮長人玉璽表夏元  
石勒秦可見其地異其時異而且殺防風在會稽不  
在塗山在八年不在五年竹史具存後儒無庸聚訟  
矣

夏六月雨金於夏邑



述異記夏禹時天雨金三日古詩云安得天雨金使  
金賤如土是也

統箋案世紀曰夏禹時天雨金天鏡曰天雨金爲兵  
喪徐堅曰唐虞以前都名不著自夏以後各有所稱  
白虎通曰夏爲夏邑商爲商邑周爲京師

秋八月帝陟於會稽

原註禹立四十五年

統箋案竹書帝舜十四年壬申  
命禹代虞事至舜五十載戊申

凡三十七年舜陟而已酉庚戌辛亥三年喪畢禹卽  
位元年壬子八年己未凡四十五年世紀曰禹年七  
十四舜始薦之于天薦後十二年始使禹攝行天子  
事五年舜崩禹除喪明年始卽真年百歲崩于會稽

○鄭環曰案統箋之說四

十五年當作四十八年

禹薦益於天七年禹崩三

年喪畢天下歸啟

統箋按古今人表禹娶塗山氏女曰女趨生啟漢書武帝紀行幸織

氏詔曰朕用事華山至于中岳見夏后啟母石應劭曰啟生而母化爲石文潁曰在嵩高山下

史記夏本紀十年帝禹東巡狩至于會稽而崩○志

疑案禹巡狩葬會稽之事起春秋後諸子雜說不足

依據史公于論云或言禹會諸侯江南計功而崩因

葬焉命曰會稽或之者疑之也而于此直書其事以

實之何歟論衡書虛篇辨之曰儒書言舜葬蒼梧禹

葬會稽虛也堯典舜巡狩至四嶽四方之中諸侯來

會禹王如舜事無所改巡狩本不至會稽安得會計  
于此誠會稽爲會計禹到南方何所會計出巡則輒  
會計是四方之山皆會計也獨爲會稽立歟巡狩考  
正法度禹時吳爲裸國斷髮文身考之無用會稽如  
何充之論甚允或問國語載仲尼言禹致羣神于會  
稽史公取入孔子世家是以始皇紀言上會稽祭大  
禹越世家言少康封庶子會稽以奉禹祀閩越傳及  
序傳俱仍之二世責問李斯有禹葬會稽之言見李  
斯傳會稽有禹穴見自序豈皆非歟曰非也國語浮

夸斷非出自仲尼縱使禹曾至會稽之地必是治水  
時事論衡道虛篇云禹至會稽治水不巡狩無會計  
之事當是已詎朝會羣侯遂埋斯土乎句踐非禹苗  
裔閩越非句踐種族安得強合二世所問亦因當世  
謬談爾墨子節葬下篇云堯北教乎八狄道死葬蛭  
山之陰舜西教乎七戎道死葬南己之市禹東教乎  
九夷道死葬會稽之山夫堯寧有道死之事堯之道  
死爲妄則舜禹道死之妄可知然則禹會于何所葬  
于何處曰左傳哀七年禹合諸侯于塗山非會稽也

禹在位八年不及再巡則惟塗山一會而已梁任昉  
述異記禹會塗山防風氏後至禹誅之可與左傳證  
國語會稽之誣禹都安邑塋必相近而絕無可考豈  
非儉塋之故哉

路史夏后紀乃巡大越見耆老納詩書審銓衡平斗  
斛立典則以貽子孫焚戈甲而夷人附追思覆餗之  
書復會諸侯於江南尋崩因塋之年百有六實祀於

社

淮南子禹勞天下而死爲社漢興立  
官社復立官稷以禹配社以稷配稷

鄭環曰案堯七十五載司空禹治河據吳越春秋時

年三十歲當生于堯四十六載辛酉舜三十三載禹  
受命于神宗已九十一歲舜崩三年喪畢又八年而  
後崩壽共百十有九歲計舜之卒當生于堯四十五  
年庚申但長禹一歲耳路史謂百有六歲誤世紀謂  
明年除喪卽真尤誤夏啟以前三年喪皆二十六月  
至太康始短而爲再期故啟庚辰崩而太康元年在  
癸未也

衡案禹年二十爲司空陟年百有九鄭氏環謂三十  
爲司空故云壽百有十九路史云帝禹宅立一十五

歲崩刀劍錄云高密在位十年以庚戌八月鑄一劍  
俱誤前編夏后氏八歲巡江南戮防風氏崩于會稽  
與竹書合梁氏志疑力闢會稽之葬而不能實考禹  
之墓地恐不足以折墨子之說且其意以任昉述異  
記爲可信而以國語爲不足憑夫國語卽非出自仲  
尼然亦必出自門弟子如左氏輩何至反不如述異  
記小說家爲可据乎至以左傳之文闢國語則尤不  
可案左七年傳止言禹會塗山執玉帛者萬國並不  
言及殺防風事其與國語載仲尼之對風馬牛不相

及也安得合爲一事而以左氏折國語乎總由不知  
禹有兩會一在塗山一在會稽一在五年一在八年  
故不得不掃羣說而空之以就論衡書虛之陋也



竹書紀年集證卷八

江都陳逢衡學

帝啟

帝啟

史記夏本紀帝禹東巡狩至於會稽而崩以天下授  
益三年之喪畢益讓帝禹之子啟而辟居箕山之陽  
禹子啟賢天下屬意焉及禹崩雖授益益之佐禹日  
淺天下未洽故諸侯皆去益而朝啟曰吾君帝禹之  
子其母塗山氏之女也

列女傳塗山氏長女夏禹娶以爲妃既生啟辛壬癸  
甲啟呱呱泣禹去而治水三過其家不入其門塗山  
獨明教訓及啟長化其德而從其教卒致令名君子  
謂塗山彊於教誨

元年癸亥

前編甲申后啟元歲。金履祥曰案三代以來嗣君  
皆踰年而稱元與堯舜禹之間不同故胡氏大紀於  
甲申書元載今從之或曰是時三年之喪未畢益未  
箕山之避啟未膺朝覲訟獄之歸宜未王也何以稱

爲元年是不然古者稱元無大意義特以其君天下之始計年耳況益之相禹異於禹之相舜禹之相舜異於舜之攝堯其時異其事亦不同孟子之俱以薦言者推堯舜禹之心也其俱以避言者推舜禹益之心也當時事迹固自有不同故胡氏於明年書益歸政就國而不言避是爲得之

帝卽位於夏邑

路史夏后紀跋尾天下公器不可得而私也主之必有道而處之也必有義主之不以其道則亂處之必

合於義則爭是故君天下爲甚易而授天下爲甚難  
丹朱商均不足以託天下而舜禹者可以託天下於  
從而授之時無舜禹之有可傳而啟可傳則從而授  
之啟是聖人之意矣戰國之士不知乎此乃謂禹不  
勝其私而傳子知啟之不足以任天下而私意勝陽  
以天下授益而盡以啟人爲吏禹崩啟連黨而攻益  
取之故子車曰禹崩益避啟於箕陰而益佐帝之日  
淺澤未洽於天下天下之人不歸益而歸啟矣益暨  
禹同事唐虞而同功於水佐帝之日不爲淺矣功施

於人者不爲不久矣且啟之德固無以尙於益而謂天下不歸益而歸啟其然乎六經之存聖人固不以纖芥疑後世也堯授終舜授命一於文祖一于神宗而禹之末無是舉也堯曰汝陟帝舜曰汝陟后而益之初無是語也禹之傳蓋天下之不復昔也子不可傳乃蔽於親愛之私而必傳子可傳或貪於弔禪之名而不傳均非天下之公行也然則啟之傳禹顧任其私哉承百代之流而會其變不得而不然也子可傳而傳不失於公人不可傳而必傳不免於私聖人

者知可不可傳而已

統箋案郡國志潁川陽翟禹所都蓋禹始封于此爲  
夏伯啟卽位居此故曰夏邑世紀曰禹都平陽或在  
安邑或在晉陽何以知此夏邑非安邑平陽諸地也  
以啟饗諸侯于陽翟之鈞臺故知啟卽位于夏邑卽  
陽翟是也

大饗諸侯於鈞臺諸侯從帝歸於冀都大饗諸侯於璿臺  
水經潁水注東南厯大陵西連山亦曰啟筮亭啟享

神於大陵

衡案大陵路  
史作大隣

之上卽鈞臺也春秋左傳曰

夏啟有釣臺之饗是也杜預曰河南陽翟縣南有釣臺

統箋案易歸藏曰昔者夏后啟筮享神于晉之虛作爲璿臺于水之陽王融曲水園詩序夏后兩龍載驅璿臺之上謂此也

衡案一統志釣臺在禹州城北門外魏收志云陽翟有禹山祠又有釣臺陂陂方十里路史璿臺在太原案璿臺在冀都釣臺在夏邑故諸侯從帝歸於冀都而帝又饗之也統箋以諸侯從三字爲句非是

二年費侯伯益出就國

史記秦本紀秦之先帝顓頊之苗裔孫曰女脩女脩織元鳥隕卵女脩吞之生子大業大業取少典之子曰女華女華生大費與禹平水土已成帝錫元圭禹受曰非予能成亦大費爲輔帝舜曰咨爾費贊禹功其賜爾阜游爾後嗣將大出迺妻之姚姓之玉女大費拜受佐舜調馴鳥獸鳥獸多馴服是爲柏翳舜賜姓嬴氏。志疑案費是國名竹書費侯伯益是史誤以大費爲名故不曰咨益而曰咨費舜果有斯語哉



陳杞世家伯翳之後周平王時封爲秦。志疑案秦紀稱秦之先顓頊裔孫女脩生大業大業生大費是爲伯翳其言甚晰女脩乃高陽之裔女而適少昊之後大業之父大業父不著伯翳卽伯益爲大業子故秦風疏曰伯翳伯益聲轉字異猶一人也漢地理志注曰柏益一號伯翳蓋翳益聲相近後書蔡邕傳注曰伯翳卽伯益也而謂之大費者益封于費竹書費侯伯益出就國是已乃史公于此言伯翳後爲秦下文復言益後不知所封析爲二人明屬譌謬而劉秀

卽校山海經表仍其說以益與伯翳爲二羅泌遂以  
欽益爲帝高陽之第二子墮欽伯翳爲少昊之後皐陶  
子豈不悖哉伯益之爲伯翳亦如皐陶之爲咎繇今  
以皐陶與咎繇爲二人可乎又易井卦釋文引世本  
伯益作化益今更以伯益化益爲二人可乎漢書百  
官表益作恭今又可爲別一人乎秦紀所謂大費輔  
禹平水土卽尙書暨益奏庶鮮食者也所謂調馴鳥  
獸卽書益作朕虞孟子益焚山澤者也豈異人任歟  
且虞廷果別有功績奇偉之伯翳則駕熊虎而參禹

益奚獨滅沒焉不見于經斯可知其妄矣然則羅泌何以斷益之爲隤散曰此泌信鄭道元之過也水經洛水注載晉永平元年九山百蟲將軍顯靈碑云將軍姓伊氏諱益字隤散帝高陽之第二子伯益也鑿空附會無異齊東野語詎得依之然則泌何以斷伯翳爲臯陶之子曰此又泌信劉向鄭康成諸人之過也詩秦風疏引列女傳云臯子生五歲而佐禹曹大家注臯子臯陶之子伯益秦詩譜云伯翳實臯陶之子潛夫論志氏姓高誘呂氏春秋當染注陸德明孔

頴達邢昺書詩左傳論語釋文義疏唐書宗室宰相  
世系表鄭樵通志畧均以臯益爲父子夫虞朝五臣  
竝列夏代臯益同官寧有父子之分又夏紀云臯陶  
卒封其後英六而后舉益授之政使益果臯子則臯  
陶之後卽益也胡爲封其後于英六而復舉益耶又  
墨子尚賢篇云禹舉益于陰方之中使益是臯子尙  
煩待舉陰方乎又竹書載伯益薨在夏啟六年則伯  
益最壽路史謂年過二百洵如斯言益初佐禹之時  
年已百餘而列女傳以爲五歲迂誤極矣然則臯益

之父爲誰曰臯益同族而異支臯之父微不著後書  
馮衍傳言臯陶釣雷澤賴舜而後親則其式微可知  
路史後紀注引年代厯云少昊四世孫四世亦妄伯  
益之父但傳大業而已其輩行世次俱不可審而孔  
穎達張守節以大業爲臯陶父唐表或以大業爲臯  
陶祖或以大業爲臯陶曾祖何錯戾若是史公固無  
是言也然則臯益宜何祖曰祖少昊氏國語史伯告  
鄭桓公云羸伯翳之後韋注伯翳舜虞官少皞之後  
伯益路史發揮云伯翳羸姓之祖書傳羸姓出少昊

其源甚著史公亦並無臯益祖顓頊之語自漢地理志言柏益出顓頊而孔穎達邢昺及唐表從之索隱路史遂深譏秦趙祖母族非生人之義夫秦趙何曾以母族爲祖哉世儒誣之爾而皇甫謐之謬尤甚路史嘗論之曰班固之徒以女脩爲男子而系之高陽後至世紀直以高陽生大業以大業妻女華爲大業之子而別出女華之妻名扶始生臯陶臯陶生伯益唐書取而用之

宗室表

此春秋元命包之說不足實也

唐表宰相裴氏世系云顓頊裔孫大業生女華女華生大費大費生臯陶臯陶生伯益所說又別其妄尤

甚然則秦子皐益宜何祖曰祖伯益舜賜伯益嬴姓不賜皐陶秦爲嬴姓始自伯益故以伯益爲首皐陶乃偃姓當爲英六諸國之祖秦與皐陶無涉

胡應麟史書佔俾三代而上史書名氏之僞衆矣其最大而疑者亡若伯翳之與伯益自史以伯益佐禹以伯翳先秦司馬貞張守節等竝疑其謬而莫能援明證以折衷之故歷世紛紛迄於今伯翳伯益爲二也夫使伯翳伯益若其工蒼頡栗陸容成鴻蒙雲將鬻缺之屬荒忽茫昧而不足有亡則可誠禹之佐舜

之輔而秦之先則其所係世道何如者而可弗定于  
一也史遷秦本紀云大業取女華女華生大費大  
費佐禹平水土輔舜馴鳥獸妻以姚之玉女是曰伯  
翳爲秦之先夫禹作司空天下之大任佐禹濬川天  
下之大功藉令非伯益而別一人則尚書載之當參  
咎陶伍稷高矣今考虞廷臣庶四岳九官十二牧輩  
靡不具載於書而伯翳之文獨不經見以史所稱平  
水土者質之乎書則借奏鮮食益事也以史所謂馴  
鳥獸者質之乎書則掌火作虞益官也然則尚書所



謂益非柏翳而誰耶秦記所云伯翳非伯益之誤耶  
蓋伯與柏其音同益與翳其聲近故史記誤以一人  
析而爲二猶幸乎其人雖二而其事則一也然而大  
費之云又胡以稱也則吾嘗讀汲冢紀年而得之竹  
書紀年啟卽位之二年費侯伯益出就國夫史紀先  
稱大費復稱伯翳伯翳爲人名則大費爲國封矣大  
費爲國名則伯翳爲伯益矣卽竹書一簡而伯翳大  
費舉不待辨而明而司馬貞張守節皆置弗道彼索  
隱者惡在其爲索而正義者惡稱其爲正也

統箋案莊十六年傳滑伯同盟于幽杜預曰滑國都  
費河南緱氏縣伯益封費宜卽此也

衡案前編后啟二歲益避於箕山之陰大紀曰伯益  
歸政就國於箕山之陰也與紀年合金履祥曰伯益  
卽伯翳也秦聲以入爲去故謂益爲翳也字有四聲  
古多轉用如益之爲翳契之爲皐皐之爲咎君牙之  
爲君雅是也此古聲之通用也有同音而異文者如  
陶之爲繇垂之爲倭繇之爲鮌虺之爲偶紂之爲受  
罔之爲羿是也此古字之通用也太史公見書與孟

子之言益也則五帝本紀從益見秦紀之爲翳也則秦本紀從翳益疑而未決也疑而未決故於陳杞世家之末又言垂益夔龍不知所封則遂謬矣何不合二書而思之乎夫秦記不燒太史公所據以紀秦事者也秦紀所謂佐禹治水豈非書所謂隨山刊木暨益奏庶鮮食者乎所謂馴服鳥獸豈非書所謂益作朕虞若予上下草木鳥獸者乎其字同其聲同而獨以二書字異乃析一人而兩之可謂誤矣而羅氏路史因之真以益翳爲二人又以柏翳爲皋陶之子

羸郎李三姓無辨矣且楚人滅六蓼之時秦方盛於西徐延於東趙基於晉使柏翳果臯陶之子臧文仲安得云臯陶不祀乎又以益爲高陽氏才子隕斂至夏啟時二百餘歲矣夫堯老而舜攝舜耄期而薦禹豈有禹且老而薦二百餘歲之益以爲身後之計乎金氏此說足破史遷羅氏之謬而國名紀且謂費爲翳之封誤矣奇齡毛氏直謂是朱虎熊羆之屬因云翳是飛鳥山海經所稱文鳥似鳳者故伯翳名大費費有飛音陳湘姓林曰費氏音蜚趙明誠曰此字有

兩音其一音蜚羸姓伯翳之後史所載費仲費無忌  
皆是也則伯翳大費或卽八元之一所謂伯翳者以  
費蜚奮總以飛鳥得名斯亦鑿矣然所辨臯陶非伯  
益父持論甚是見尙書寃詞

王帥師伐有扈大戰于甘

原註有扈在  
始平郿縣

書甘誓大戰于甘乃召六卿王曰嗟六事之人予誓  
告汝有扈氏威侮五行怠棄三正天用剿絕其命今  
予惟恭行天之罰左不攻於左汝不恭命右不攻于  
右汝不恭命御非其馬之正汝不恭命用命賞于祖

不用命戮於社子則孥戮汝。正義曰孔馬鄭王皇甫謚等皆言有扈夏同姓並依世本之文楚語觀射父云堯有丹朱舜有商均夏有觀扈周有管蔡是其恃親而不恭也。○蔡沈曰案左傳昭公元年趙孟曰虞有三苗夏有觀扈商有桀邳周有徐奄則有扈亦三苗徐奄之類也。○毛奇齡曰書序夏啟作甘誓而有扈戰于甘獨史記云啟立有扈不服遂滅之此主書序說也其後馮衍賦訊夏啟于甘澤兮煬帝典之

首領亦謂是啟事若王逸註天問旣以有扈牧豎擊  
牀先出爲啟攻有扈親於牀上擊殺之又以終斃有  
扈爲澆滅夏后相相遺腹子少康躬滅有扈則旣以  
爲啟又以爲相之子自相矛盾且與呂覽夏后相與  
有扈戰甘之說亦同亦異漢儒解經之難據如此有  
扈聲罪但以五行三正爲辭而並無罪狀世多不解  
大抵有扈之叛謂啟私禹之天下而不以予賢故不  
服啟因以天命折之謂五德相禪三正遞改皆天命  
攸行所謂天之厯數在是者而侮棄不遵是違天命

也天用絕其命矣

史記夏本紀有扈氏不服啟伐之大戰於甘將戰作甘誓乃召六卿申之遂滅有扈氏天下咸朝。志疑案扈爲夏同姓之國尙書疏云有扈見堯舜受禪啟獨繼父故不服又云有扈爲啟之兄弟此本于淮南子注淮南齊俗訓曰有扈氏爲義而亡高誘注有扈啟之庶兄以堯舜舉賢禹獨與子故伐啟不知出何傳記左傳昭元年晉趙孟以觀扈與三苗姚邠徐奄竝稱又將何說恐只是與夏同姓耳或問墨子明鬼



篇引甘誓全文以爲禹誓何歟曰禹先有伐扈事莊  
子人間世及呂覽召類說苑政理皆言之而甘誓一  
篇與禹貢相接遂謬以爲禹矣至楚辭天問謂扈本  
牧豎得爲諸侯啟擊殺于牀乃不經之談不足信也  
路史夏后紀戶氏不恭扈已姓乃高陽之後也信相失度威侮  
五行怠棄三正帝乃遷廟與有戶大戰甘澤乃召六  
卿而誓整軍實以伐之不勝六卿請攻之帝曰不可  
吾地非淺民非寡也兵刃接焉而不勝是吾德薄而  
教不善也何以伐爲於是般師琴瑟不張鐘弗撞鼓

弗攷不因席不仍味親親長長尊賢委能隱神期月而戶來享遂滅之復昭夏功○國名紀京兆鄠西南五里有甘亭

郡縣志云當在鄠北

甘盤之國啟扈戰於此甘鄠

西五里甘亭水經在甘水之東啟扈戰其野

統箋案馬融曰甘有扈氏南郊地名前漢志扶風鄠縣有扈谷亭後志有甘亭楚辭天問曰該秉季德厥父是臧胡終弊于有扈牧夫牛羊洪興祖注啟兼秉禹之末德而禹善之授以天下有扈以堯舜與賢啟獨與子故伐啟啟伐滅之有扈遂爲牧豎也据韓非

子曰有扈氏有失度驩兜氏有孤男三苗有成駒桀有侯侈紂有崇侯虎晉有優施此六臣者亡國之臣也則啟之伐扈當別有說未必如洪氏所云

衡案有扈乃唐虞以來叛逆不臣之國非夏同姓也世本云有扈夏同姓誤初帝堯之末禹嘗伐曹魏有扈以行其教至是又復威侮五行怠棄三正爲司馬九伐所不赦則其罪亦從可斷矣而淮南子乃謂有扈氏爲義而亡非通論也夫以能敬承繼之啟而乃伐爲義之國乎且以有扈爲義則伐有扈者必不義

矣而又何以爲啟乎倘以傳賢傳子爲疑輒曰爲義則當令朝覲謳歌之牧伯往喻焉可也伐而滅之亦太甚矣至周書云弱而不恭則尤非其實夫親率六師誓衆往伐以臨弱而不恭之國啟亦不應輕躁至此吾故曰有扈乃唐虞以來叛逆不臣之國也蓋其恃强梗化非止一日特以神禹威力所憑不敢少爲肆志及啟卽位覲其新立陽以傳賢傳子之說搖惑天下實欲借兵稱亂乘隙起事啟于是不得不大起六師以剿絕之矣故文選云啟滅有扈而夏功昭以

是知爲義而亡及所云弱而不恭者皆臆說也而胡益之更謂扈有歸益之心而啟滅之亦爲義之說誤之也路史謂扈來享而啟滅之亦非

六年伯益薨祠之

越絕書益與禹臣於舜舜傳之禹薦益而封之百里禹崩啟立曉知王事達於君臣之義益死之後啟歲善犧牲以祠之經曰夏啟善犧此之謂也

三墳補逸夏后啟二年費侯伯益出就國是年王師伐有扈大戰于甘六年伯益薨祠之益封費蓋舜禹

之世非啟始封也史記以大費爲伯翳名其誤由此  
孟子曰益避禹之子於箕山之陰觀費侯就國之文  
足證子輿氏所云未必實事也竹書紀大臣之祠者  
惟伊尹周公此稱啟之祠益則亦以王禮事之矣而  
束皙傳謂竹書言益干啟位啟殺之何謬戾一至是  
耶有扈之征卽係費侯就國之下或當時諸侯之不  
逞者假禪受以爲名書但言大戰路史以爲不勝按  
逸周書史記篇扈氏弱而不恭身死國亡則滅於啟  
也後世以啟殺益亦本天問之詞因竹書有伊尹事

遂以附之千秋之下實余爲雪此誣

統箋案天問曰啟代益作后卒然離蟹洪氏補注引  
汲冢書曰益爲啟所殺今据竹書益薨於帝啟六年  
啟方且祠之何有殺之之事漢律厯志曰壽王言化  
益爲天子代禹皆不合經術亦是類也

衡案孫之騷引沈約註云伯益厯高辛唐虞凡二百  
二十載至是而薨蓋年二百六十餘歲矣其語不經  
今竹書無此註又路史高陽氏紀謂蓋年過二百鄭  
環曰益自堯七十六載佐禹治水年不過與禹相若

謂年過二百則長于堯矣誤

八年帝使孟涂如巴涖訟

惠士奇曰竹書帝啟八年帝使孟涂如巴涖訟涖者往而成之

也

山海經圖贊孟涂司巴聽訟是非厥理有此血乃見  
衣所請靈斷嗚呼神微

水經江水歷峽東逕新崩灘注其下十餘里有大巫  
山非唯三峽所無乃當抗峯岷峨偕嶺衡疑其翼附  
羣山竝縈青雲更就霄漢辨其優劣耳神孟涂所處  
山海經曰夏后啟之臣曰孟涂是司神於巴巴人訟



於孟涂之所其衣有血者執之是請生居山上在丹山西郭景純云丹山在丹陽屬巴丹山西卽巫山者也

路史帝禹紀命孟涂爲理刑正訟從以爲神主○帝

啟紀孟涂敬職而能禮於神爰封於丹

在秭歸縣之東七里丹山

之西卽孟涂之所理也

○國名紀海內南經有巴國所謂巴賁

彭濮者伏羲後生巴人郭璞云三巴國今巴縣是也

孟孟涂國隱十一年向盟卽孟今河南孟津偃師西

三十一里穆傳至于孟氏近河南

十年帝巡狩舞九韶于天穆之野

山海經郭注引竹書作夏后開歌九招因學紀

聞註引竹書作夏后開舞九招路史注引紀年作啟登后九年僉九韶諸書所引並與今本異

衡案山海經文詞多荒怪如序啟事則列之于海外

西經以炫其荒遠其實大樂大遺卽指天穆一地而

異名也九代乃九成之訛謂箭韶九成也而郭璞乃

謬謂馬名故路史亦有登擯扑馬之說又大荒西經

云開上三嬪于天得九辨九歌以下此與海外西經

舞九代是一類事蓋卽紀年帝巡狩舞九韶于天穆

之野也而郭注乃謂獻美人于天帝故得登天竊樂

以下豈不妄甚楚詞天問云啟棘賓商九辯九歌洪興祖引此爲注朱子謂棘當作夢商當作天言啟夢上賓于天得帝樂以歸也故吳任臣注山海經云嬪宜作賓啟三夢上賓于天得傳天帝之樂以下如秦穆聽鈞天之奏唐皇效霓裳之舞也衡案韶作于舜禹親承之命皐陶作夏籥九成以昭其功說見呂覽又路史言禹駢三聖乃興九招則是禹承舜作亦啟所習聞而親見者何以必欲上賓如鈞天霓裳之以夢示耶至羅苹路史注則謂啟之所急在以商均作

賓九辯卽九韶蓋以商均爲帝後故得用備樂此說  
差可然以賓于天之天爲指舜言則非而鄭氏環亦  
惑其說謂天爲天子之廷啟爲世子時三朝于舜故  
得聞韶樂夫啟未命官焉得三朝于舜且舜于九官  
十二牧未聞賜樂何獨賜啟于爲世子之日夫亦可  
以意決矣然則大荒西經宜何解曰開者避漢帝諱  
卽啟也不言穆者省文也嬪賓也卽周官以賓禮親  
邦國之賓也言啟上天穆之山三以賓禮待商均得  
用九辯九歌之盛樂而後下此天穆也此其說紀年

亦有之案帝芒元年以元珪賓于河又夷王二年用  
介珪賓于河蓋謂以賓禮親邦國于河上耳卽此賓  
于天之義也世人乃以上天下天爲解殊夢夢矣卽  
山海經亦未嘗不明言其事故下文卽接云此天穆  
之野高二千仞玩一此字則所謂賓于天者非天穆  
而誰可知古人著書原有自解自註一法明乎天穆  
之野高二千仞則上者上此天穆也下者下此天穆  
也而所用之樂則九成之舞九德之歌通曰九招卽  
九韶也其云開焉得始歌九招者見啟前此未曾用

此盛樂直至十年巡狩始用之于天穆耳蓋其地爲  
伯鯀發祥之地卽帝顓頊三十年帝產伯鯀居天穆  
之陽是也此伯鯀爲顓頊之子非禹父崇伯鯀乃帝  
啟之始祖也故特巡狩至此行禘祭始祖之禮而以  
商均爲賓亦猶舜祭祖廟荀韶九成而以丹朱爲賓  
也又案墨子非樂上引武觀曰啟乃淫溢康樂野于  
倒裝飲食將將銘筦磬以力湛濁于酒渝食于野萬  
舞翼翼章聞于天天用弗式案武觀乃啟叛臣故因  
啟巡狩作此蜚語以謗之其曰康樂野于渝食于野

萬舞翼翼章聞于天卽所謂舞九韶于天穆之野也  
其曰銘筦磬以力此則指伐有扈事謂親率六師徒  
以力勝而銘其功以志所向也嗟乎讒人高張積毀  
銷骨雖以啟之賢猶不免焉而究之啟豈康樂淫溢  
天用弗式之人哉

十一年放王季子武觀于西河

原註武觀卽五觀也觀函  
今頓邱衛縣。陳鳳石曰

元和郡縣志隋煬帝時始置衛縣而此註稱今頓邱  
衛縣非約語也趙紹祖曰余按此注作小字雙行固  
自別于沈注且今本所注  
多出後人附益必非沈舊

統箋案王季子啟之第五子也昭元年傳趙孟曰夏

有觀扈杜注觀國今頓邱衛縣國語士燾曰啟有五  
觀韋昭曰五觀啟子太康昆弟也水經注曰淇水又  
北逕頓邱縣故城西古文尙書以爲觀地矣蓋太弟

五之號爲五觀者也據此五觀卽武觀也夏本紀謂  
若

帝太康失國昆弟五人須于洛汭作五子之歌則五  
子述大禹之戒以作歌必皆爲啟之賢子竹書武觀  
則武是一人之名不得爲五人矣古今人表啟子昆  
弟五人號五觀路史后啟五庶俱封于觀是爲五觀  
皆謬又禹貢浮于積石至於龍門西河孔疏曰河在



冀州之西故謂之西河時夏啟都冀則觀在西河也  
史記志疑左傳夏有觀扈比觀于三苗有扈姚邠徐  
奄楚語啟有五觀與丹朱商均太甲管蔡竝號姦子  
韓子說疑同周書嘗麥解五子忘伯禹之命興亂凶  
國亦與蚩尤類舉然皆莫識所出故左氏疏謂史傳  
無文斯先儒蓋闕之義焉自漢書人表云太康兄弟  
五人號五觀置之下中等地理志東郡縣名其處爲  
畔觀而韋昭因取以注國語道元水經巨洋水注同  
路史後紀及國名紀仍之云后啟五庶封于衛是爲

五觀夫古未有五人而合封一國者且既據國以叛  
又奚須于洛汭之栖栖乎倘依僞古文之述戒作歌  
方將爲啟之賢胄奈何夷于叛人姦子也攷竹書帝  
啟十一年放王季子武觀于西河十五年武觀叛彭  
伯壽征之乃來歸與國語稱姦子周書稱五子合沈  
約注武觀卽五觀墨子非樂下篇有引武觀語蓋武  
五音近或相通借其實一人非五人也然晉司馬彪  
續漢書郡國志云衛本觀國姚姓則不得爲夏之宗  
室而况爲啟子耶是可疑者若更以此五子適有五

而牽配之則誣矣後人又嘗以斟灌爲五觀而斟灌乃帝相之忠臣爲夏宗室其國在北海平壽非東郡之畔觀鄆縣全氏祖望經史問答論之甚審

十五年武觀以西河叛

統箋案漢于此置畔觀縣屬東郡謂此也

趙紹祖曰案路史羅萃注於旣征西河下謂紀年在二十五年與今本不同

彭伯壽師師征西河武觀來歸

洪頤煊曰北堂書鈔十三引改征西河路史國名紀

六西河注后啟  
征之見紀年

孫之騄曰汲冢周書其在殷衛案殷當作夏之五子忘伯禹

之命假國無正用胥興作亂遂凶厥國皇天哀禹賜以彭壽思正夏畧初祝融之後封于大彭謂之彭祖彭城是也國語祝融能昭顯天地之光明其後八姓昆吾爲夏伯大彭豕韋爲商伯莊子彭祖得之上及有虞下及五伯李軌注彭祖名鏗堯臣封于彭城厯虞夏至商年七百歲

鄭環曰彭伯姓鏗名鏗陸終氏之三子堯時人與舜同舉者封于彭爲大彭氏殷時尙爲大夫故孔子謂

之老彭卽彭祖也啟時年已百五六十歲身其康強  
故謂之彭伯壽

衡案路史顓頊紀陸終第三子曰錢錢之字鏗封於  
是爲大彭彭祖以斟雉養性事放勳後有彭氏予謂  
錢鏗出顓頊氏蓋彭姓之始後事堯者另一人而彭  
伯壽則其裔也彭姓伯爵壽名不得牽合爲一人也  
孫云愿虞夏至商年七百歲鄭云啟時年已百五六  
十歲此神仙家說也俱誤

十六年陟

統箋案六當作八据竹書太康元年癸未則后啟之  
陟當在庚辰蓋辛巳壬午三年喪畢而太康卽位是  
六當作八也

趙紹祖曰案路史啟在位十六年年九十一而羅莘  
注謂紀年啟二十九年年九十八更爲按以辨紀年  
之非而今本無之反與路史合又自元年癸亥至太  
康<sup>元</sup>年癸未合<sup>十二</sup>一年除三年喪畢卽位亦當爲十八  
年均不可解

衡案世紀啟十年癸丑崩前編九歲王崩子太康踐

位俱與紀年不合惟年代厯及路史俱云在位十六  
年似可取以證竹書十六之說然亦有不可通者蓋  
自后啟元年癸亥以至太康元年癸未合二十一年  
則除去十六不得云太康居喪四年也案古字九與  
六多混則此年所云十六當是十九之訛羅莘曰紀  
年啟二十九年年九十八案禹年三十而娶行十月  
而生啟年代厯啟壽九十在位十六年又十五年在  
父朝六十年在虞朝生當舜攝之二十一年與娶塗  
之年合紀運圖等云九年非以上路史注云如此子

案禹年三十而娶生啟陞年一百有九則除去三十  
年爲啟未生之年啟年蓋七十九歲又加以卽位之  
十九年崩年當九十八與羅莘所引紀年九十八之  
說合據此則所云二十九者當衍去二字爲十九也  
而且據紀年計之啟在父朝八年非十五年在有虞  
氏五十年非六十年在陶唐氏二十一年共七十九  
年則當生于舜攝之八年蓋帝堯之八十年也計禹  
二十爲司空在帝堯七十五年又五年當帝堯之八  
十年則是娶塗山氏生啟之日禹年當二十五吳越



春秋言禹年三十有白狐之瑞娶塗山氏者蓋約畧  
言之也然則啟陟之年爲十九非十六有斷然者若  
洪頤煊據真誥十五引竹書啟卽位年三十九亡年  
七十八謂與今本異則大錯矣夫啟于卽位之時已  
七十九歲又加以三十九則爲一百一十八安得云  
七十八哉

竹書紀年集證卷八終